

FEDERALNO MINISTARSTVO OBRAZOVANJA I NAUKE

1215

Na osnovu tačke I. i II. Odluke o načinu obrazovanja i visini naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", broj 80/07, 84/07, 6/08 i 13/09), te člana 31. Pravilnika o unutrašnjoj organizaciji Federalnog ministarstva obrazovanja i nauke, broj 07-02-3-843/10 od 18.2.2010. godine i broj 07-02-3-3970/10 od 29.4.2010. godine, federalna ministrica obrazovanja i nauke donosi

RJEŠENJE

O IMENOVANJU KOMISIJE

I.

Imenuje se Komisija za ocjenu radova prispjelih na Nagradni konkurs za likovne radove studenata završnih godina i apsolviranih studija likovnih umjetnosti na visokoškolskim ustanovama u Federaciji Bosne i Hercegovine (u daljnjem tekstu: Komisija), u sastavu:

1. Prof. DRAGANA NUIĆ-VUČKOVIĆ, predsjednik, Akademija likovnih umjetnosti Sveučilišta u Mostaru,
2. Prof. MIRSAD BEGOVIĆ, član, Nastavnički fakultet Univerziteta "Džemal Bijedić" u Mostaru,
3. Prof. SALEM OBRALIĆ, član, Akademija likovnih umjetnosti Univerziteta u Sarajevu,
4. PREDRAG MITROVIĆ, član, Federalno ministarstvo obrazovanja i nauke.

Za sekretara Komisije imenuje se RIFET MEZIĆ.

II.

Zadaci Komisije iz tačke I. ovoga Rješenja su:

- da u skladu sa kriterijima Nagradnog konkursa za likovne radove studenata završnih godina i apsolviranih studija likovnih umjetnosti na visokoškolskim ustanovama u Federaciji Bosne i Hercegovine, raspisanog 20.10.2010. godine, ocijeni prispjele radove, sačini prijedlog za dodjelu nagrada i dostavi ga federalnoj ministrici obrazovanja i nauke;
- da sačini prijedlog za eventualni dodatni otkup radova i dostavi ga federalnoj ministrici obrazovanja i nauke.

Zadatak sekretara Komisije je obavljanje stručnih i administrativno-tehničkih poslova za potrebe Komisije.

III.

Za učešće u radu Komisije, predsjedniku i članovima Komisije, izuzev članu Komisije imenovanom ispred Federalnog ministarstva obrazovanja i nauke i sekretaru Komisije, pripada naknada u skladu sa odredbom tačke V. Odluke o načinu obrazovanja i visini naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", broj 80/07, 84/07, 6/08 i 13/09).

Visinu naknade posebnim rješenjem utvrđuje federalna ministrica obrazovanja i nauke na prijedlog predsjednika Komisije.

IV.

Rok za izvršenje poslova i zadataka iz tačke II. ovog Rješenja je 17. 12. 2010. godine.

V.

Ovo Rješenje stupa na snagu danom donošenja i objavit će se u "Službenim novinama Federacije BiH".

Broj 04-38-4-8193/10
30. novembra/studenoga 2010. godine
Mostar

Ministrica
Meliha Alić, s. r.

FEDERALNO MINISTARSTVO ZDRAVSTVA

1216

Na osnovu člana 160. stav 3., a u vezi sa članom 236. stav 1. alineja 33. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

PRAVILNIK

O IZMJENAMA PRAVILNIKA O NAČINU I POSTUPKU ODOBRANJA SPECIJALIZACIJA ODNOSNO SUPSPECIJALIZACIJA DRŽAVLJANIMA BOSNE I HERCEGOVINE NA LIČNI ZAHTEJEV

Član 1.

U članu 2. u stavu 1. Pravilnika o načinu i postupku odobravanja specijalizacija odnosno supspecijalizacija državljanima Bosne i Hercegovine na lični zahtjev ("Službene novine Federacije BiH", broj 68/10), riječ "boravištem" zamjenjuje se riječju "prebivalištem".

Član 2.

U članu 3. u stavu 2. u alineji 1. Pravilnika o načinu i postupku odobravanja specijalizacija odnosno supspecijalizacija državljanima Bosne i Hercegovine na lični zahtjev riječ "boravišta" zamjenjuje se riječju "prebivališta".

Član 3.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-5965-1/10

1. decembra 2010. godine
Sarajevo

Ministar
Prim. dr. sci. **Safet Omerović**, s. r.

Na temelju članka 160. stavka 3., a u vezi sa člankom 236. stavak 1. alineja 33. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

PRAVILNIK

O IZMJENAMA PRAVILNIKA O NAČINU I POSTUPKU ODOBRANJA SPECIJALIZACIJA ODNOSNO SUPSPECIJALIZACIJA DRŽAVLJANIMA BOSNE I HERCEGOVINE NA OSOBNI ZAHTEJEV

Članak 1.

U članku 2. u stavku 1. Pravilnika o načinu i postupku odobravanja specijalizacija odnosno supspecijalizacija državljanima Bosne i Hercegovine na osobni zahtjev ("Službene novine Federacije BiH", broj 68/10), riječ "boravištem" zamjenjuje se riječju "prebivalištem".

Članak 2.

U članku 3. u stavku 2. u alineji 1. Pravilnika o načinu i postupku odobravanja specijalizacija odnosno supspecijalizacija državljanima Bosne i Hercegovine na osobni zahtjev riječ "boravišta" zamjenjuje se riječju "prebivališta".

Članak 3.

Ovaj Pravilnik stupa na snagu osmog dana od dana objave u "Službenim novinama Federacije BiH".

Broj 01-37-5965-1/10

1. prosinca 2010. godine
Sarajevo

Ministar
Prim. dr. sci. **Safet Omerović**, v. r.

На основу члана 160. став 3., а у вези са чланом 236. став 1. алинеја 33. Закона о здравственој заштити ("Службене новине